

2003-02-01
kioskoa**Iban Arregi**


Herritarren ilusioa eta arreta

EAJren eta EAren arteko koalizio akordioak «herritarren artean ilusioa» eragin duela zioen herenegun bertan Juan Jose Ibarretxe EAeko lehendakariak. Eta horren inguruan aritu ziren atzo Euskal Herriko egunkari guztiak, luze eta zabal. **El Correo** egunkariak koalizioarekin zabaldu zuen *Actualidad* saila, titulu interpretatibo batekin: «EAJk eta EAK hauteskunde koalizioa berritu dute, Ibarretxe Plana sendotzeko».

El Diario Vasco-k ere antzeko titulua egin zuen: «EAJ-EA koalizioak Ibarretxe Plana sendotzea du helburu, eta 123 herritara zabalduko da». Bi egunkariak ez zuten gaiaren inguruko iritzirik eman editorialetan. **El Mundo**-k eta **Gara**-k bai, bi horiek eman zuten koalizioari buruzko iritzia, biek ere EAJren eta EAren jarrera salatzen. «Zilegi da bi alderdik koalizioa egitea boterea eskuratzeko. Zalantza zegoa dena da postuen banaketaz bakarrik hitz egitea hiru hilabetez, eta programari buruzko gaiez hitzik ez egitea», zioen atzoko editorialean **Gara**-k. «(...) Akordioaren helburu nagusia Juan Jose Ibarretxeren plana indartzea da», zioen **El Mundo**-k. Espainiako beste egunkariak, batik bat **Abc**, **La Razón** eta **El País** egunkariak, oso azaletik aipatu zuten bi alderdien koalizioarena, eta ez zuten gaiaren gaineko iritzirik eman. Eta **Deia** egunkari jeltzaleak eman zuen zabalaren koalizioaren berri, atzo nahiz herenegun, eta editorial nagusia ere gai horri eskaini zion atzo, batik bat «herritarren ilusioa» nabarmenduz: «[Akordioa da] hautesleek azkeneko hauteskundeetan eskainitako itxaropenari eman ziezaioketen erantzun bakarra». Herritarren arreta, behintzat, bereganatu dute.

Egunkaria 3.773. zenbakia**Ohorezko Lehendakaria:** Martin Ugalde**Administrazio Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Begoña Zubelzu**Publizitatea:** Igor Sota**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**IKUSKATURIKO HEDAPENA**
Batxorde Parekidea: 72664 E. Lege Gordailua: SS 800/90 ISSN 1134-640X**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Iratxe Monasterioa, 45-13. esk. (Irritzidorra) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egi Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35,
64100 Baiona Tel.: 559593575 Faxa: 559257511

martintxo



hizpideak

Batera-ren hitzordua

Milaka lagun espero dituzte gaur arratsaldean Baionan, Batera plataformak antolatutako manifestazioan. Euskararen ofizialkidetza, euskal departamendua, laborantza ganbera eta berezko unibertsitatea aldarrikatuko dituzte. Manifestazio hori «hastapen» gisa aurkeztu dute antolatzailak, eta datozen hilabeteetarako ere mobilizazioak iragarri. Batera plataformaren sorrera Jean-Pierre Raffarinnek Frantziaren dezentralizazioaren inguruan abiatutako eztabaidaren erdian gertatu da. Oraingoz, aldarrikapen horiek ez dute erantzun baikorrik izan Paristik. Euskal departamenduarenak, zehazki, Frantziako gobernuburuaren aurkako erantzuna hartu du.



Atzo epaitu zituzten hiru euskaltzaleak.

Euskaltzaleak epaitegian

Hiru euskaltzale epaitu zituzten atzo Bilbon; Euskal Herriaren Euskaraz taldeak deituta, protesta ekitaldi batean parte hartu zuten iragan azaroaren 1ean, Bilboko Erakustazokan Osakidetza eginiko lan eskaintza publikoko azterketa aretoan. Osasun administrazioan hizkuntz eskubideak ez daudela bermatuta salatzen protesta bakesuan parte hartzeagatik deklaratu behar zuten hiru akusatuak, euskaraz ez dakien epaile baten aurrean. Uko egin zioten, ordea, eta, azkenean, bertan behera geratu zen epaiketa. Istilu artean amaitu zen, sostengua ematera joandako 50 euskaltzale inguru indarrez kanporatu baitzituzten ertzainek, *Euskal Herriaren euskaraz* abestia kantatzen hasi zirenean. Hizkuntz eskubideen urraketa hiru-koitza jazo zen, beraz.

Kepa Narbarte, kartzelara

Espainiako Auzitegi Nazionalak atzo erabaki zuenez, Kepa Narbarte kartzelan segituko du. Narbarte baldintzapean aske zegoen, Ruth Alonso Bilboko Espetxe Zaintza-ko epailearen aginduz, zigorraren hiru laurdenak beteak dituelako. Fiskalak, ordea, apelazio helegitea jarri zuen baldintzapean askatzearen aurka, eta asteartean atxilotu egin zuten Narbarte. Atzo, Auzitegi Nazionalak fiskalaren helegitea onartu zuen, beste behin PPren asmoetara makurtuz, eta Alonsoren eskumena bera kolokan jarritz. Azken batean, PPren zigor kodearen erreformari —baldintzapeko askatasunari ateak ixten dizkio, besteak beste— aurrea hartu dio Auzitegi Nazionalak.

AEBetako soldaduak Afganistango mendietan.



Borrokak Afganistanen

Urte luzetan izandako gerra zibilaren ostean, kontrolaezinezko borrokak dira Estatu Batuek 2001ean egindako gerraren eta gobernu aldaketaren ondorioak. Hamid Karzai presidentearen gobernuak nazioarteko tropen laguntzaz menperatzen du egoera Kabul, baina gainerako lurraldeetan tokian tokiko gudalburuek indartsu darraite. Hego ekialdean ustezko talibanek eta taliban izan gabe atzerriko tropak kanporatu nahi dituzten herritar paxtuek tropei aurre egiten diete. Hala, asteartean 18 afganistandar hil ziren Gobernuaren aurkarien eta AEBetako tropen artean izandako borroketan. Ostegunean lau soldadu estatubatuar hil ziren, ustez istripua izan zuen hegazkin batek talka egitean, eta atzo beste 18 afganistar hil ziren mina baten edo atentatu baten eraginez. Ez dago argi.